

鯽溪外治方選卷下

古吳陸晉笙錦燧輯

姪陸心竹培勳

男陸循一培良

男陸平一培治

女陸詠媿佩玠同參校

女陸詠嫫佩珣

飲食門

食傷生冷及難化之物生薑或紫蘇煎湯揉擦心胃肚腹氣通食即化

傷寒結胸停食陳香糟六兩生薑四兩水菖根四兩鹽二兩炒熟為餅敷臍胸前以火熨之內嚮即去大便利下惡物愈

食物入鼻介介作痛不出牛脂一棗大納鼻中吸入脂消則物隨出

四肢難動只進得食好大言說喫物是失說物望病如說食難時便云請你遂置雞於病人前却不與食自睡中饒涎出而愈

鮮酒毒大醉不醒生熟湯浸其身則湯化為酒而人醒矣

解燒酒毒大醉不醒急以熱豆腐徧體貼之冷即易以醒為度又方用井水浸其髮併用故帛浸濕貼於胸膈

飲酒齒痛井水頻含嗽

飲酒成癖無便叫呼全不進食日就羸弱將其人縛住置好酒一罇在前令聞酒氣而不與飲自有物出口中棄之江湖

小兒乳停不化膈下硬如有物白芥子研末水調攤膏貼

初生小兒口撮不飲乳戴口門

斷乳山梔一個辰砂麝香雄黃雌黃各二分輕粉一分研末擇伏斷日待兒睡熟麻油調搽二眉毛上即不思乳

中蠱門

畜刺蝟則蠱毒不入

煤炭毒房中置清水一盆則免

輕粉結毒膿水淋漓臭爛不可近楓子肉四兩輕粉一錢草麻仁二兩蘆
甘石二錢杭粉二兩花椒五錢為細末搗加麻油槌成膏油紙攤貼瘡上
先用花椒甘草煎湯洗淨三日一換

服霜粉牙爛出血不止管仲黃連各五錢為末水一鍾煎四五沸入冰片
少許攪勻漱口每日二次忌猪腥油膩一月

砒霜沾身痛潰以濕泥頻塗設毒氣入內而作吐瀉飲冷米醋或生菜豆
研末麻油調服

巴豆貼肉潰爛生黃連末水調敷

仙鶴頂毒粘在草樹間人或不知以手摸脚踏登時赤腫疼痛異常青松
毛和糯米飯搗敷

中惡門

中惡昏憤丹雄雞一隻安放病者心間以雞頭向病人面雞伏而不動待其飛下病者亦甦

中惡卒死葱心黃刺入鼻中男左女右入七八寸血出即愈并刺入耳中五寸又方韭汁注鼻中又方便人尿其面上

客忤中惡鐵器燒紅更迭投醋中就病人之鼻熏之

鬼擊病吹酢少許入鼻中

二便門

大小便閉白礬末填滿臍中以新汲水滴之覺冷透腹內自通臍平者以紙圍之又方鳧角末葱白連鬚加麝香二分蜜少許杵貼臍下至毛際再以韭地蚯蚓泥搗和水澄清飲之尤妙又方甘遂末麵糊調敷臍中及丹

二便關格皂莢燒烟於桶內坐上熏之

關格脹滿大小便不通獨頭蒜燒熟去皮髹裹納下部氣即通

前陰門

陰腫痛癢荷葉浮萍蛇牀煎湯日洗

陰腫如斗生諸葛菜根洗春爛封之枯者水浸搗塗亦可

陰腫大如升核痛久藥無效馬鞭草搗塗

陰腫脹痛蛇床子末雞子黃調敷

陰下濕汗滑石一兩石膏半兩白礬少許研搽

陰濕諸瘡蛇牀子二兩朴硝一兩煎水洗

下部濕瘡熱癢而痛寒熱大小便澀食減身面微腫因多食魚蝦發風熱物得之用馬齒莧四兩研爛入青黛一兩再研勻塗上效

陰冷椒炒熱布裹包囊下熱氣大通日夜易之以消為度又方乾薑牡蠣各一兩為末火酒調稠塗兩手上揉外腎

陰冷痛悶冷氣入腹腫脹殺人酢和熱灰頻熨又酢和麩熨

陰部生瘡鯽魚胆搽

陰部惡瘡蜜煎甘草末塗

陰瘡爛痛杏仁炒黑研膏敷

妬精陰瘡鉛粉二錢銀杏仁七個銅鈿內炒至杏黃去杏取粉出火毒研搽效又田螺二枚連殼燒灰稍入輕粉同研敷效

陰瘡因不忌月事行房陰物潰爛用室女血衲瓦上燒研末麻油調敷

陰瘡有二種一者陰蝕作白膿出一者生熱瘡熱瘡用黃蘗黃芩等分煎湯洗仍另以二味研末敷

玉莖挺長痿腫絲瓜汁調五倍子敷

山亭裸體卧莖被飛絲纏繞腫痛莖頭欲斷威靈仙搗浸水洗

玉莖濕癢肥皂搗爛敷效又燒灰香油調搽

陰蝕瘡鰓魚骨末敷

陰蝕欲盡瘡痛甚者蝦蟆一枚燒灰兔糞一兩同研細每用少許敷瘡上
日三四次

陰頭疔蝕雞內金不落水拭淨焙脆研細先以米泔洗淨搽之

陰頭生瘡諸藥不愈鼈甲煨研雞子清調敷

玉莖下疔雞蛋殼炒研油調敷並分載各方於楊梅瘡門

陰頭生下疔瘡蜜煎甘草塗又方橄欖燒研麻油調敷

下疔瘡及陰莖上瘡黃蘗蛤粉等分為末摻

下部疔瘡生白果杵塗之又梳子去穰入明礬末麵糊封燒末乾搽效

瀉濁疔半邊爛又名蠟燭疔從內爛出將人脚根上老皮瓦上焙脆為末

黃柏末猪胆汁拌曬乾研搽患處烏金紙包頭

妬精下疔米泔水洗再以訶子燒灰入麝香少許搽雖莖爛一二寸亦效

下疔濕瘡蠶繭盛頭垢再以一繭合定煨紅出火毒研搽

下疔瘡腫痛鳳皇衣煨黃連各等分輕粉片腦各少許為末濕用乾搽乾

用鴨子清調搽

囊腫葱白汁調飛麵塗又方水調牡蠣粉塗

腎子腫如水晶陰汗潮濕灶心土三升研碎炒極熱加川椒小茴香將陰

囊放在土面冷即再炒

腎囊腫痒內有疥蟲好花椒烘脆研細末真柏油調塗外以舊帛包之

陰囊腫痛翳砂一分水研塗又方煨葱入鹽杵爛塗又方棉子仁煎湯洗

小兒陰囊腫痛地龍糞甘草汁調敷或薄荷汁亦好

小兒外腎腫大用牡蠣不拘多少為末雞蛋調塗即消

陰囊濕腫紫蘇紫背浮萍各一兩水煎熏洗

陰囊汗癢龍骨牡蠣粉撲

陰囊濕癢松毛煎湯頻洗又鰵鱗骨蒲黃末撲

囊濕痒先以葱椒煎湯洗再以五倍子臘茶研末少加鉛粉搽

腎囊痒葱三十根胡椒花椒各一兩蛇床子末一兩均作三服煎湯洗又

方川椒杏仁研膏塗

腎子爛老杉木燒灰蘇葉為末等分敷仍以蘇葉包之

陰囊潰爛罌丸脫露名為脫囊真紫蘇莖葉為細末乾敷如未破香油調

塗青色葉包上

腎漏陰囊先腫後穿破出黃口瘡如魚口能致命五倍子同石灰炒黃色去灰攤地出火毒砂盆內研細末不犯銅鐵乾摻瘡上

腎囊皮爛龜板炙存性研入冰片少許麻油調塗即愈

囊瘡作爛六一散四錢赤石脂二錢紫蘇一錢半兒茶一錢共為末摻之腎囊上一孔流血炒甲片細粉卷之以帕紮住

外腎生瘡綠豆粉蚯蚓糞等分研塗

囊生瘡川椒七粒蔥頭七個煎湯洗又方胡麻嚼爛敷良又方甘草湯洗後臘茶為末糝或油和塗

小兒陰囊及歧股間生瘡汁出先癢後痛自癢或復發將瘡搔去加帛拭乾蜜敷更用麵作燒餅乘熱以錫塗餅上熨

寒症囊縮吳茱萸同硫黃大蒜調塗臍下蛇牀子炒布包熨之熱症肝陰

涸亦囊縮忌用此法

陰毛生蟲櫛榔煎湯頻洗又方燒酒浸百部擦又方枳仁枳爛搽

男子陰痿囊濕蛇床子煎湯洗

陰囊或玉莖腫痛葱白乳香搗塗即時愈

腎囊風腎子腫大一名綉毬瘋雞蛋煮熟去白留黃炒出油老杉木燒灰調油搽之又方胡椒煎湯洗又方皂礬煎湯頻洗

新生小兒卵大日後長成恐變木疔滿月外俟端午日午時以脚盆盛熱水安於中堂抱小兒將卵放水內一浸再將小兒於中門檻上中間一閣其卵上之水印痕於檻將艾在檻上濕印處灸三壯效

小兒臍突囊腫載臍門

小便門

小便不通猪胆連汁籠住陰頭一二時汁入自通又方葱白連葉搗爛入

蜜合外腎上又方蚯蚓糞礞石硝各等分水
和敷臍下又方皂角半夏麝香末填臍內
再用田螺葱白搗餅蓋之又方生白礬末
五厘入臍以水滴之
婦女小便不通皂角煎湯洗陰戶

小兒小便鹽安臍中熨

小兒初生小便不通葱白搗爛麝香三釐
摻上傳臍

小便不通轉脬危急者葱管吹鹽入玉莖中

小便轉胞不出納衣魚一枚於莖中

小便不通諸藥不效者麝香少許和頂心
頭垢作條入莖中紙封馬口使氣透進莖
內須臾即通又方葱白細切炒熟包熨小
腹冷即易仍以手擦掌心足心

小便不通腹脹如鼓大田螺鹽半匙生搗
敷臍下一寸三分

小便閉小腹痛田螺少加鹽生搗敷臍下一寸三分即通

小便虛秘桃枝柳枝木通川椒各一兩枯白礬三錢葱白七個燈心一握水三十碗煎至十五碗用磁鉤盛之乘熱熏外腎小腹以被圍之不令風入若冷即易之再燒再熏良久便通如赤小豆汁下效

水腫溺閉大蒜田螺車前子等分杵攤臍中

寒症小便癢閉腫脹葱一把麝香三釐搗餅貼臍

小兒溺牀龜溺滴臍中

淋門

急淋陰腫泥葱半斤煨熟杵爛貼臍上

遺精門

遺精文蛤研細末以女兒津調貼臍內立止

精滑善遺牽轉白牛法最妙其法不拘布帛做一小兜將外腎兜起拴在腰後袴帶之上此病自免

夢遺臨睡以朴硝少許放手心用唾和將龜頭一擦效

疝門

諸疝初起發寒熱疼痛欲成囊癰新鮮地骨皮生薑各四兩搗如泥絹包囊上其痒異常忍之

陰疝腫墜木鼈子仁醋磨調芙蓉葉末敷之

熱疝痛處如火澠赤便艱口乾畏熱芙蓉葉黃蘗各三錢為末以木鼈子

仁一個磨醋調塗囊上

濕疝陰丸作痛蘄艾紫蘇葉烘川椒炒熟各三兩拌勻乘熱絹袋盛夾囊

下勿泄氣

寒疝吳茱萸炒布包熨小腹又方桂末摻貼臍內
罌丸腫痛名木腎用荊芥穗一兩朴硝蘆菴各三兩葱七莖煎湯淋洗
偏墜作痛芙蓉葉黃檗各三錢為末木鱉子仁一個磨醋調塗陰囊自止
偏墜患久者牡蠣灰良姜末等分唾津調塗患處
疝氣入腹茴香炒作兩包更換熨

後陰門

腸胃流熱下注糞門暴腫帶殼蜒蚰數箇搗研塗

肛門腫痛木鼈子肉四五枚研細泡湯洗另用少許塗作痒者杏仁杵爛
敷又方生苧根搗爛坐

穀道赤痛熬杏仁杵作膏敷

肛蠹痒痛杏仁杵膏頻敷

便燥努掙肛痛異常者以冰片硼砂研末雄猪胆汁調圓後搽
肛門生瘡肛門主肺肺熱即肛塞腫縮生瘡白蜜一升猪胆汁一枚相和
微火煎令可丸二三寸長作挺塗油納下部

穀道生瘡久不愈雞脰脰燒研末乾貼之效

臀癰芙蓉葉晒研胡椒焙研各二錢野苧根一兩葱頭七個酒糟兩許共
杵爛加米醋和敷即消又方葱白杵爛蜜和敷又方芙蓉葉入鹽冰片各
少許杵爛圍

小兒月內糞門上忽有瘡孔名禿穉穉急用白褐燒灰糝

脫肛萬年青連根煎湯洗川五倍子末敷之又方先以麻油潤之再用風
菱殼煎湯洗之又方枳殼防風各一兩枯礬二錢煎水乘熱熏洗又方鼈
頭煨存性研加冰片摻之立收又方五倍子煎湯洗隨以赤石脂末摻上